

直隸趙州志卷十一

人物志

孝義

宇內皆孝子悌弟乎質諸聖賢欲然不自足況在庸流宇內皆逆子傲弟乎問寢視膳之儀徐行後長之節中人勉爲之況在上智士大夫侈談大節寢門不能無慚德匹夫匹婦孤行己意者反足以挽澆頹化凶悍然非通人見之聞之筆而書之則事必不傳傳必不遠甚矣孝友之難言也周禮六行言睦婣任卹與孝友並重者何本親親敬長推之而施濟之術興

趙州志

卷十一

孝義

一

分雖殊理相因耳游俠豪士之流輕貲財重義氣千金一諾死生不渝君子信其難而不許以聞道親疏遠邇等差釐然推行可無序乎趙人孝義著稱者李士謙爲首出幼有顏子之目其卒也士女莫不流涕李德饒居喪哀戚致甘露降庭鳩鳥巢廬顧未考終何也厥後累世同居出粟賑饑者多可傳惟趙良弼增置學田鄭平重敷土父墓爲晚近所僅見亟登之作狂瀾之砥柱云

隋

李士謙

李德饒

宋

曹遵

元

趙良弼

明

程仲良

陳仲行

檀原

張有本

張文采

亢鳳

國朝

杜惟喬

李希魯

鄭平重

魏之藩

劉之岐

張永年

呂超

姚灼章

趙州志

卷十一

孝義

二

張玉衡

王元治

李棠蔭

侯廷俊

陳清揚

孝丐二陽

隋

李士謙字子約謚子髻齡喪父事母以孝聞伯父瑒每稱曰此兒吾家顏子也年十二魏廣平王贊辟開府參軍事後丁母憂居喪骨立服闋詣學請業研精不倦遂博覽羣籍善天文術數齊吏部尚書辛術召署員外郎趙郡王叡舉德行皆稱疾不就刺史趙元海以禮再致之稱爲菩薩隋有天下畢志不仕自以少孤未嘗飲酒食肉口無殺害之言親賓至輒陳罇俎對之危坐李氏宗黨極盛每春秋二社晏會無不沈醉誼亂嘗集士謙所盛饌盈前而先爲設黍謂羣從曰黍五穀之長古人所

趙州志

卷十一

孝義

三

尚甯可遺乎少長肅然無敢弛惰退而相謂曰旣見君子方覺吾徒之不德也家富於財每以賑施爲務州里有喪事不辦者士謙輒隨乏供濟有兄弟分財不均至相鬩訟士謙出財補其少者令與多者相埒兄弟愧悔更相推讓卒爲善士秋田見盜刈禾黍默而避之家僮執盜粟者士謙慰喻之曰窮困所致義無相責遽令放之其奴嘗與鄉人董震因醉角力斃於手下震懼請罪士謙曰卿本無殺心何爲相謝然可速去無爲吏拘性寬厚皆此類也後出粟萬石以貸鄉人值年穀不登債家無以償士謙悉召債家爲設酒食對之燔契曰債了

矣幸勿爲念也他年大饑多有死者士謙罄家貲爲糜粥賴以全活者萬計收埋骸骨所見無遺至春又出田糧種子分給貧乏趙郡農人德之撫其子孫曰此李參軍遺惠也又合諸藥以救疾癘如此積三十年或謂士謙多陰德士謙曰陰德猶耳鳴已獨知之今吾所作吾子皆知何陰德之有隋開皇八年終於家趙州士女聞之莫不流涕曰我曹不死而令李參軍死乎會葬者萬餘人遂相與樹碑於墓

北史

按李安世居父憂以孝聞李謐十歲喪父哀號罷鄰人之杵幼事兄瑒恭順盡友于之誠李瑒與弟謐特

趙州志

卷十一

孝義

四

相友愛謐在鄉物故瑒痛哭幾絕久而方蘇形體毀悴李郁以兄瑒卒撫育孤姪歸於鄉里士謙安世之孫謐之子而瑒郁之猶子也家傳孝友世濟其美如此德門海內有幾而父若子天爵自尊同甘肥遯平棘李氏雖號多賢當以此爲巨擘嗚呼懿哉

又按李敷兄弟敦崇孝義家門有禮至於居喪法度皆合典則李渾丁母憂行喪冢側殆將滅性李元忠居喪以孝聞在母喪哭泣哀動旁人以母多病專心醫藥遂善方技性仁恕無貴賤皆爲救療家素富在鄉多有出貸元忠焚契免債鄉人甚敬之時盜賊蜂

起清河有五百人西戍還以路梗共投元忠奉絹千餘匹元忠惟受一匹殺五牛以食之遣奴爲導曰若逢賊但道李元忠如言賊皆舍避又李秀之兄弟並事母孝謹又李祐篤穆友于見稱於世以上諸人傳皆別見不複載

李德饒字世文籍之曾孫也少聰敏好學有至性仕隋爲校書郎仍直內史參掌文翰轉監察御史糾正不避權貴遷司隸從事每巡四方理冤枉褒孝弟居父喪哀慟嘔血及送葬單縗徒跣號踊幾絕會葬者千餘人莫不流涕後甘露降於庭有鳩巢其廬納言楊達弔慰之因

趙州志

卷十一

孝義

五

改所居村爲孝敬村里爲和順里後遇賊見害祀忠義

宋

曹遵六世同居咸平中詔旌之仍蠲其課調祀忠義

元

趙良弼字輔之女直人本姓朮要甲音訛爲趙家因以趙爲氏父慤爲金威勝軍節度使與長子良貴從子良材守太原俱死事良弼明敏多智初舉進士教授趙州世祖在潛藩召見占對稱旨擢爲邢州安撫司幕長區畫有方己未世祖南征召參議元帥府事兼江淮安撫使親執桴鼓五戰皆捷禁焚廬舍殺降民者所至安堵憲

宗崩良弼五上言勸進世祖卽位參議陝西省事蜀人費寅誣廉希憲商挺有異志良弼願剖心以明之費寅卒以反誅奉使日本其國以兵脅索國書良弼終不與日本知不屈遣使入覲十一年同僉樞密院事屢以疾辭十九年得旨居懷孟別業在溫縣故有地三千畝乃析爲二六與懷州四與孟州皆隸廟學以贍生徒自以出身儒素不忘本也卒追封韓國公諡文正

元史

按州學戟間內有同僉樞密院事趙公增置學莊碑記文出於學士王磐謂趙公旣新贊皇廟學又置學莊以贍諸生旣成公曰趙州吾鄉土又先節使所臨

趙州志

卷十一

孝義

六

治吾自河南來歸方窮苦嘗寓居州學教授生徒以自業今四十餘年矣未嘗一日忘之遣使州學廟貌精舍亂後修葺幸完備但諸生貧乏不能贍給師儒旣難久留諸生亦時聚時散無由成材若得學田數頃贍濟師儒使諸生得肆力卒業則大幸矣卽出捐金帛擇選負郭良田於州東趙村買地八百畝州東北黎村買地二百畝餘有七十畝爲兩莊募佃戶耕種州人歡忭相率敦遣子弟入學云

明

程仲良與同州張貴王纘俱尙義正德三年歲饑仲良出

粟七百石貴纘各出粟五百石賑濟凡有義舉不惜心力能爲眾倡事聞旌表仲良內不自安曰我不能長活溝壑之人而敢以邀天寵乎遠近聞之無不感服祀忠義

陳仲行先失母事父朝夕無違及父歿孝養繼母尤加勤篤凡母所欲無不極力致之務得歡心而後已一室和藹內外無閒言焉祀忠義

檀原固德人正德丁卯歲值凶荒民甚困乏原自捐粟五百餘石鄉人賴以存活者不可勝計

見碑記

張有本溝岸村人家素封樂善好施歲荒賑粟千石事聞

趙州志

卷十一

孝義

七

旌表義官

張文采庠生有本之孫品端學粹重義輕財有戚楊復幼孤坐法冤枉文采力救得雪教讀人泮值歲荒開倉賑貸儲積一空坦如也至今家傳孝友士林宗焉

亢鳳花馬營人日者驅車至宋村北臨洩見橋楹奄忽圯敝心竊憂之以爲郡西一方徒輿所經不有以補葺之則褰裳濡軌病涉者眾矣於是獨力捐貲經營累歲刻期興工無如天壽不永有志未遂而卒其妻王氏瑩瑩一婦人不資鄰里不憚工費命其子迪糾工董造克成夫事是女中之慷慨丈夫也名曰濟美一以見鳳之好

義一以見迪之善述所謂世濟其美也如此盛舉使聽其踪跡淹沒後世無傳何以爲施濟者勸故掇橋之碑記而畧述之

萬曆二十二年 以上採訪

國朝

杜惟喬天性孝友母病願以身代值歲荒煮粥賑饑掩葬枯骨順治二年 旌表祀忠義

李希魯家赤貧築坯爲業晨起拾遺金三十兩慷慨封還失者分贈不受以細民而守大義可以砥礪頹風

舊志

鄭平重賈店村人文童事父母以孝聞康熙間歲歉墓田出質突煙幾絕平重迺攜硯舌耕藉脩脯供菽水母歿

趙州志

卷十一

孝義

八

無葬地權厝姊氏田後積館金贖墓田父歿得合祔焉趙俗多土葬懸棺而封擁土若巨垤歲久爲耕者蝕盡平重倣古聖周之制斃穴以石移匱妥葬曰抔土敷之終歲成邱懸燈守墓者三載每飯必祭情若養生三十年不稍閒迄今村西古塚巍然人皆呼爲大墓實鄭孝子所手築云

採訪

魏之藩西關增生性孝友慷慨好施濟人之急鄉黨中有無力葬娶者尤必竭力攸助嘗與人言曰凡殖貨財謂其能賑施也否則雖多奚爲乾隆五十七年歲大饑往東汪鎮市穀五百石設粥場數處以贍困乏又倡修學

校壇廟橋梁等工州守錫以任恤可風匾額以孫廷魁

貴 賍封昭武都尉

採訪

劉之岐溝岸村庠生乾隆間奉 命督理倉事於華嚴寺

前碑記見前明伊祖施地之迹乃與本村紳民公議將

廟前曠地換與民居可得地五十餘畝設立義學永作

束脩之資俾子弟之俊秀者得肄業其間誠盛舉也

採訪

張永年溝岸村太學生質性純良言語誠篤十六歲喪父

十七歲喪兄杖杜孤特事母以孝聞教子以義方旁事

孀嫂維謹一堂之上融洩無閒生平慷慨好施鄉里貧

乏者冠婚喪祭有求必應除夕捨錢濟急領錢者恆百

趙州志

卷十一

孝義

九

餘人又本村地多在西北路途迂曲耕穫未便永年將

井地四畝中間設公道一條以便人來往至今鄉人稱

頌之

見碑記 採訪

呂超鄉官村庠生性孝謹家貧好學夜無燭引火繩以照

讀繼母檀氏持家嚴屢加訶責超笑而承之未嘗稍忤

或跪而請罪必得母悅而後已故檀氏撫之如孩提而

超之孺慕則始終如一也母嘗使之學稼又使之學賈

超乘閒卽入塾讀攻苦愈力母鑒其誠孝謂之曰我自

十九歲適爾父二十七歲而孀居爾不憂貧我豈不能

甘淡泊乎但爾魯甚恐舍易求難迄無成耳今而後爾

讀爾書我勤我績凡百艱苦我自當之爾無與焉則超
之得肆力於詩書者皆賢母爲之也超在時欲爲請
旌以表其賢有志未遂竟抱恨以終人人惜之

採訪

姚灼章姚家莊例貢生家丁四十八口五世同堂六世同

居

採訪

張玉衡大夫莊廩生幼聰慧且極孝友定省無缺母歿事
父益篤常伴父眠不敢遠離並能以孝事伯母其堂姪
雲漢早失怙玉衡視如己子教之成名又有堂姪雲鳳
早失恃窮無所歸玉衡授以房屋田產不時調恤其孝
慈兼盡爲時人所推重

採訪

趙州志

卷十一

孝義

十

王元治西章侶村庠生賦性慷慨樂善好施鄉里有所乞
假率傾囊以助無吝色每歲荒必開倉賑濟遠近有義
舉不待敦勸必輸重資以襄厥事道光元年城南修大
石橋州守李命其董役元治先捐錢數十緡爲倡工竣
州守賜急公好義匾額壽八十餘歲卒

採訪

李棠蔭字澤南大呂村廩生自幼好學不倦事親至孝年
十六失怙母陳氏久病棠蔭晨昏奉養不離左右者數
年且能友于兄弟睦於鄉里凡鄉里有乞貸者無不慨
然應與兄弟有貧乏者輒時時調恤之未嘗少愆厥後
無病而卒聞者莫不悼歎

採訪

侯廷俊字中選蘇家疇太學生性孝友幼失怙恃奉養祖母承歡伺色未嘗少拂意旨睦親族和鄉里慷慨好施鄉民拖欠官課者代爲完納又畜健牛二頭每日繫於門外以給貧乏之用鄉中賴以舉火者恆數十家每歲廣儲穀種散給窮民惟恐其失時廢業戚里或有缺乏必量力周濟畧無德色遠近村莊負欠者數逾千百因遭水旱悉焚其券歲豐後有持以償者卻之弗受負債者感其德欲爲釀金報捐不敢告陰與其家人謀家人難違眾意從之乃援例得太學生既卒後光緒十四年郡中紳士公舉其孝義臚陳事實呈請入祠前州憲高

趙州志

卷十一

孝義

十一

徐兩公均爲具文申請格於歿後年限尙未合例事不果行至今侯善人之稱猶嘖嘖人口云

採訪

陳清揚東大誥村人承先人遺訓設義塾一所置良田八十六畝以備延師脩脯之資並刊石立碑嚴定規條以垂久遠

孝丐者湘洋村人佚其姓乳名二陽母八十餘歲二陽乞食奉之得乾餿餅餌美者盡儲以給母秋寒則沿門求尺布寸綿爲母綴衣極厚而溫其身單縷穿漏凍雪俚檐自若也人感其孝爭以美繡相授焉

採訪

文苑

載道者文六籍是也儒者殫心撰述或窮搜理窟窺性道之淵微或陶冶羣經博聖賢之旨趣夫如是始可言文操觚家顧以風雲月露當之抑末矣然自虞廷賡颺風雅肇啟漢魏以降代有專家跡其助瀾推波分派浸遠溯厥濫觴異流實同源也儒林文苑史家必歧而二之何哉趙人以著書治經稱者若荀子毛公尚已次則有李永和著春秋叢林李穆叔著禮質疑喪服章句啖叔佐則有春秋纂例輔漢卿則有六經集解論孟答問四書纂疏是皆羽翼經傳闡發

趙州志

卷十一

文苑

十二

微言表表爲一代碩儒已他如李守素之通姓氏李陽冰之善篆隸李端父子及宗人嘉祐之工詩莫不譽流縹緗名垂奕禩彙爲一編庶徵茲土人文之盛焉

周

荀卿

漢

毛萇

北魏

李謐

李郁

李郁

李騫

李騫

李籍之

李公緒 李 槩

唐

李守素 李元植 啖 助 李 端

李虞仲 李嘉祐 李陽冰 劉言史

宋

輔 廣

金

張穀英

明

劉世盛

趙州志

卷十一

文苑

十三

國朝

翟 鏞 劉思問 翟宗瑛 翟 升

王允升 王大磬 翟學易 翟徽之

趙錦堂 張世德

周

荀卿名況常與臨武君論兵於趙孝成王前每以仁義爲
本王與臨武君稱善相屬年五十始遊學於齊齊人或
讒卿卿乃適楚春申君以爲蘭陵令卿推儒墨道德之
行事著書數萬言羽翼六經有荀子傳於世卒葬蘭陵
漢

毛公名萇治詩經與同郡貫公俱爲河間獻王博士貫公
嘗從賈誼授春秋而命其子長卿授毛氏學長卿授解
延年爲阿武令授徐敖其傳授浸廣至今學者稱毛詩
云

趙州志

卷十一

文苑

十四

北魏

李謐字永和安世次子少好學周覽百氏初師事小學博
士孔璠數年後璠還就謐請業同門生爲之語曰青成
藍藍謝青師何常在明經徵拜著作佐郎辭以授弟郁
州再舉秀才公府二辟並不就惟以琴書爲業有絕世
之心覽考工記大戴禮盛德篇以明堂之制不同遂著
明堂制度謐不飲酒好音律愛樂山水高尚之情長而
彌固一遇其賞悠而忘歸乃作神士賦延昌四年卒年
三十二遐邇悼惜其年博士孔璠等四十五人上書曰
竊見故處士趙郡李謐十歲喪父哀號罷鄰人之相幼

事兄場恭順盡友于之誠十三通孝經論語毛詩尚書
歷數之術尤盡其長州閭鄉黨有神童之號年十八詣
學受業時博士卽孔璠也覽始要終論端究緒於是鳩
集諸經廣校同異比三傳事例名春秋叢林有十二卷
每日丈夫擁書萬卷何假南面百城遂絕迹下帷杜門
卻埽棄產營書手自刪削卷無重複者四千有餘雖仲
舒不窺園君伯之閉戶高氏之漂麥方之斯人未足爲
喻璠等或服議下風或親承音旨其可默乎謹奏詔曰
謚屢辭徵辟志守冲素儒隱之操深可嘉美可遠傍惠
康近準元晏諡曰貞靜處士表其門曰文德里曰孝義

趙州志

卷十一

文苑

十五

云 北史

李郁字永穆安世三子好學沈靜博通經史爲廣平王懷
友深見禮遇時學士徐遵明教授山東生徒甚盛懷徵
遵明在館令郁問其五經義例十餘條遵明所答數條
而已稍遷國子博士自國學之建諸博士率不講說其
朝夕講授者惟郁而已謙虛寬雅甚有儒者之風建義
中以兄場卒遂撫育孤姪歸於鄉里永熙中除散騎常
侍尋領給事黃門侍郎於顯陽殿講禮記詔郁執經郁
解說不窮羣難鋒起無廢談笑孝武及諸王凡預聽者

莫不嗟善

北史

李騫字希義希宗弟博涉經史文藻富盛以聰達見知歷通直散騎常侍曾爲釋情賦尋遷殷州大中正使梁後坐事免論者以爲非罪騫嘗贈盧元明魏收詩曰幽棲多暇日總駕萃荒垆南瞻帶宮雉北睇拒畦瀛流火時將未懸炭漸云輕寒風率已厲秋水寂無聲層陰蔽長野凍雨暗窮汀侶俗浮還沒孤飛息且驚三禡俄終歲一丸曾未營閒居同洛涘歸身疑武城稍旅原思藿夢想尹勤荆監河受斗水蘇子惜餘明益州達反趣廷尉辨交情豈若忻蓬葦收志偶沈冥後卒於晉陽諡曰文惠所著詩賦碑誄別有集錄

魏書

趙州志

卷十一

文苑

十六

李籍之字修遠宣茂子性謹正涉書史著忠誥一篇位司徒諮議參軍大中大夫贈定州刺史

北史

李公緒字穆叔籍之子性聰敏博通經傳魏末爲冀州司馬屬疾去官絕迹贊皇山齊天保初以侍御史徵不就公緒沈冥樂道又不嫻時務故誓心不仕尤明天文善圖緯之學嘗謂弟子曰吾觀齊之分野福德不多國家祚終四七及齊亡距天保之元二十八年矣公緒雅好著書撰典言十卷禮質疑五卷喪服章句一卷古今畧記二十卷元子五卷趙記八卷趙語十二卷並行於世公緒既善陰陽之術有秘記傳之子孫而不好焉臨終

取以投火 北史

李槃字季節公緒弟少好學然性倨傲每對諸兄弟露髻披服畧無少長之禮爲齊文襄大將軍府行參軍閑緩不任事修國史後爲太子舍人爲副使聘於江南江南多以僧寺停客出入常袒露還坐事解職後卒於并州功曹參軍撰戰國春秋及音譜並行於世又自簡詩賦二十四首謂之達生丈人集其序曰達生丈人者生於戰國之時爵里姓名無聞焉爾時人揆其行已強爲之號頗好屬文成輒棄稿常論文云古人有言性情生於慾又曰人之性情慾實汨之然則性也者所受於天神

趙州志

卷十一

文苑

十七

識是也故爲形骸之主情也者所受於人嗜慾是也故爲形骸之役由此言之性情之辨斷焉殊異故其身泰則均齊死生塵垢名利縱酒自適所以養情否則屏除愛著擯落肢體收視反聽所以養識是以遇榮樂而不染遭阨窮而不悶或出人間或棲物表逍遙寄託莫知

所終 北史

唐

李守素趙州人初仕王世充既平召署天策府倉曹參軍通姓氏學世號肉譜許敬宗曰倉曹此名豈雅目耶宜有以更之世南曰昔任彥昇通經時稱五經笥今以倉

曹爲人物志可乎時渭州刺史李淹亦明譜學守素所

論惟淹能抗之

唐書

李元植趙州人傳業於賈公彥又受左氏春秋於王德韶受詩於齊威該覽百家貞觀間爲宏文館直學士高宗時數召見與方士浮屠講究元植以帝闇弱頗箴切其短帝禮之不悟坐事遷巴令卒

唐書

啖助字叔佐趙州人後徙關中淹該經術天寶末調臨海尉丹陽主簿秩滿屏居甘足蔬糗善爲春秋考三家短長縫綻漏闕號集傳凡十年乃成復攝其綱條爲例統其言孔子修春秋意以爲夏政忠忠之敝野商人承之

趙州志

卷十一

文苑

十八

以敬敬之敝鬼周人承之以文文之敝僂救僂莫若忠夫文者忠之末也設教於本其敝且未設教於末敝將奈何武王周公承商之敝不得已用之周公沒莫知所以改故其敝甚於二代孔子傷之曰虞夏之道寡怨於民商周之道不勝其敝故曰後代雖有作者虞帝不可及已蓋言唐虞之化難行於季世而夏之忠當變而致焉故春秋以權輔用以誠斷禮而以忠道原情云不拘空名不尚狷介從宜救亂因時黜陟古語曰商變夏周變商春秋變周而公羊子亦言樂道堯舜之道是知春秋用二帝三王法以夏爲本不壹守周典明矣又言幽

厲雖衰雅未爲風逮平王之東人習餘化苟有善惡當以周法正之故斷自平王之季以隱公爲始所以拯薄勉善揀周之敝革禮之失也助愛公穀二家以左氏傳國語非一人所爲蓋左氏集諸國史以釋春秋後人謂左氏便傳著邛明非也助門人趙匡陸質其高弟也助卒年四十七質與其子異哀錄助所爲春秋集註總例請匡損益質纂會之號纂例

唐書

李端趙州人大理丞震子登進士授校書郎工爲詩郭曖尚昇平公主賢明有才思喜詩人端等多在門下每晏集賦詩主坐簾中視詩美者贈百縑端先獻警句云薰

趙州志

卷十一

文苑

十九

香荀令偏憐小傅粉何郎不解愁主卽贈以縑錢起不伏疑爲宿構請以起姓爲韻端卽劈牋吟曰方塘半畝草芊芊初月如鉤未上弦新開金埒教調馬舊賜銅山許鑄錢曖以爲愈工起等始服後移疾江南終杭州司

馬

宏簡錄

李虞仲字見之端子亦工詩登進士宏辭兩科授宏文校書從事荆南入爲太常博士建言諡者所以表德懲惡春秋褒貶法也茅土爵祿僇辱流放皆緣一時非以明示百代所賴後世可以知前惟諡是觀古者將逝請諡今近或三年遠乃數十年人歿已久風績湮歇採諸傳

聞不可考信誅狀雖在言與事浮臣請凡得諡者前葬
一月考功敕太常定議其不請與請而過時者聽御史
劾舉京師不得過半暮善惡著而不請許考功察行諡
之節行卓異雖無官及官卑者所在以聞詔可遷司勳
郎中寶曆中考制策甚精知制誥兵吏二部侍郎爲人
簡淡寡欲立性方雅奕代文學達而不矜士友重之同上
李嘉祐字從一虞仲族人登天寶進士調江陰令上元中
爲台州刺史大厯中改袁州與嚴維劉長卿冷朝陽善
高仲武稱其振藻天朝大收芳譽爲中興高流其視錢
郎各爲一體往往涉於齊梁綺麗蓋吳筠何遜之敵也

趙州志

卷十一

文苑

二十

四年謫官滯江城召爲中臺郎有詩一卷號晏閣集

同上

李陽冰字少温趙州人以詞翰名乾元間爲縉雲令值歲
旱禱城隍與神約不雨卽焚廟及期而雨自爲文紀之
後遷當塗令篆書尤著

宏簡錄

劉言史趙州人自少與李夷簡遊所作歌詩美麗恢贍自
李賀外世莫得比王武俊在冀鎮頗好詞藝一見遂加
敬異將署之賓位固辭奏授棗強令臥疾不起世愈重
之夷簡節度漢南思與相見賂武俊以請武俊許之既
至日與歡宴獻酬問以所欲答曰司功掾甚閑表奏授
之詔下之日無恙而卒夷簡哀慟葬之襄陽郭外五里

柳子關皮日休及邑高士劉求嘗述其道業詠其歌詩
歎曰襄人知有浩然墓不知有言史墓宜加私諡或曰
世稱劉棗強如范萊蕪不可加也乃稱爲劉棗強

宏簡錄

宋

輔廣字漢卿慶源人父逵流寓崇德廣少倜儻有大志讀
濂洛諸書默契於心慨然願學初從呂祖謙遊祖謙沒
執弟子禮於朱熹之門更大奮發益思俛焉以盡其力
熹深愛重之嘗稱之曰身在都城聲利場中而能閉門
自守味眾人之所不味者漢卿一人而已與黃榦相友
善故時稱黃輔迨僞學禁興學者解散廣都不爲動

趙州志

卷十一

文苑

二十一

產侍於考亭雖熹亦自料恐堅忍者少吾道將絕廣乃
以身試禍志不少屈入京居太學之南以道自任與同
志之士質疑問難戶屢常滿熹歎曰當此時立得脚定
者可謂難得又况更向上事耶嘉定更化用事者始薦
之入仕廣力辭止食祠祿後二十年真德秀謂廣所論
是非成敗無一語弗驗嘗主崇德學事以躬行倡率其
徒學者主之所著有論孟答問六經集解通鑑集義四
書纂疏詩傳童子問卒奉祀崇德邑庠

宏簡錄

金

張穀英字仲傑沃州人大安元年進士從屏山諸公遊爲

文以多爲勝嘗爲南頓令從軍數年入爲省掾大理司

直卒

歸潛志

明

劉世盛字子謙正德癸酉鄉舉丁丑進士博學強記文辭
雄偉選入翰林爲庶吉士陞修撰議者以同郡曹文忠
公石文隱公之後稱文學者無以過之

舊志

國朝

翟劔號杞園廉孫潛心篤學說經多遵康成凡周易爻象
毛詩箋註及鄭注三禮薈萃考辨者十餘年雍正丙午
舉鄉試課子之暇取王伯厚困學紀聞條晰博考而札

趙州志

卷十一

文苑

二十二

記之曰困學紀聞蠡測考取知縣未授官卒遺書有四
書杞園問答

劉思問字裕菴雍正乙卯科舉人任陝西扶風知縣改授
馬邑泣政寬和猶存書生本色地僻事簡簿書之暇時
勤披誦著有學庸直說大易圖說二書藏於家

翟宗瑛字聚奎號懿齋流覽百家博聞強記與族孫升齊
名旣而升登進士宗瑛偃蹇以明經終士論惜之著有
三傳異同考四卷懿齋便錄八卷奎垣文集四卷

翟升字雲圃幼傳家學以明道翼經爲己任尤致力於周
易及四子書學使劉文清公按試趙州奇其文於常例

外送試策論皆宏深奧衍遂激賞不容口舉嘉慶辛酉鄉試登庚辰進士廷試後歸里授徒其論心性天道獨闢精義確有真見楚南端木國瑚聞其名傳簡論易反復數千言升引爲知己選順德府教授未赴任卒著有四書聊備一說十卷周易仰山尋源解十卷

王允升字猷光性豪邁嗜學下筆思如湧泉千言立就尤長詩古文詞每一稿出土林推重惜生平所作多散佚其存者家乘所載及石刻數篇而已時當事者議興水利濬洺河允升力陳其不可具言甯晉下流一帶沙滷形勢變遷無常徒耗財力迄無成功當事者躓其言事

趙州志

卷十一

文苑

二十三

遂寢以廩貢授教職署獲鹿唐山昌黎等縣教諭灤州學正河間府教授卓識碩學諸生宗仰所至厯厯有聲晚年精神矍鑠壽八十餘歲而卒

王大磬字符舜號儀堂少事繼母以孝聞舉嘉慶辛酉鄉試屢上公車不售遂輟舉子業肆力於詩古文詞寢饋其中有年任永年縣教諭時白蓮教徒嘯聚煽亂邑宰以事赴村落中途篡之去官民惶惑解免無術大磬攜一僕獨乘薄笨車往陳說大義教徒應時潰散邑宰無恙歸選授雲南定遠縣爲政寬平簡易不尙刑威公庭之上晏如也常赴鄉勸農紀以詩和者甚眾旋引疾歸

所歷山川多題詠曰南游草別有誦芬堂文集藏於家
翟學易字韋卿號鼎林道光十七年拔貢生工詩古文詞
間及漢晉傳註小學象緯於字學韻學尤多心得肅甯
苗夔精說文一見大推服之後詣力日邃著有毛詩古
韻周易逸象編天象圖說鼎林詩文集數十卷

翟徽之字子山幼聰慧早承庭訓督課甚嚴七歲能屬文
初學詩詞卽工見者咸驚奇之年十六補博士弟子員
由是研窮經史學問文章日以進英年應科歲試屢爲
宗師嘉獎許爲大器聲噪鬢序闔郡翕服咸豐戊午舉
鄉試赴禮闈不第歸主講龍岡書院誘掖肫懇每講貫

趙州志

卷十一

文苑

二十四

反復累萬言聽者豁然心爲之開經其指授輒掇第以
去性端嚴人敬憚之持身有主不隨人俯仰晚尤尊尙
道學取濂洛關閩及明人呂新吾等書置几案上捧讀
之爲省身寡過之方同治癸酉以 國史館謄錄授懷
來縣教諭在任自奉儉約祭先時品物豐腴曰使親在
得承歡膝下豈不稍慰奈何徒索之幽冥乎因泣下者
久之性嗜書年周甲猶伏案鈔訂所著有天象律呂考
經義擇粹史學蛾術鍾靈編說部搜奇待梓後陞國子
監學正未赴任卒

趙錦堂字燦章號澹園幼失怙母陳氏撫以成立讀書聰

穎過目成誦最好詩古文辭能得其中三昧天性友愛
輕財樂施兄太和無祿錦堂讓產於諸姪親故待以舉
火者甚眾生平重名義篤交遊與同郡姚壽先張世德
邢聞韶諸君子結爲文社以學問道義相切劘僉判山
左孟公傳鑄一見傾懷謂非尋常流輩所及也家素裕
自奉儉約以儒素終其身著有澹園詩文稿二卷已梓
桐陰雜志四卷

張世德字麗卿號南村拔貢生博學嗜古詩文有豪邁氣
書法得趙松雪神髓性任俠好友座上客常滿酒食之
需日數千親故有急難事卽身任之不憚勞或代爲區

趙州志

卷十一

文苑

二十五

處由是家漸落而世德毅然不顧也子觀生亦拔貢生
善八分書及篆刻先逝孫三長祥時廩生善繪事用筆
高古一掃塵氛次心筠增生季駒賢甲戌科進士選山
西河津縣知縣現署太平縣知縣

方技

道成而上藝成而下史家之著方技有以哉星象以考徵應卜筮以決趨避醫藥以拯疾厄相術以辨窮通苟利民用孰能廢之工斯技者靡不探頤索隱仰觀俯察洞悉乎陰陽造化之原而曲協乎廢興人事之故自非聰強靜專造極其微者烏能執一藝以自鳴哉趙人以方技名者耿公於日者中最高爲優洽馬韶豫告晉王利見之辰術精矣李密習經方母病得除與李元忠相似濟時利物良相同功下此者迂誕誑惑驚世炫俗卒致罹法凶終垂爲炯鑒若珍儉者

趙州志

卷十一

方技

二十六

是爲怪民固不容於聖世者也從諗和尚生於唐末爲曹溪第四世法嗣柏林掛錫戒壇猶存所恨招提荒閒影堂半傾安得彼教龍象起而振之茲援晉書佛圖澄鳩摩羅什之例列入方技而以張惠明附焉

北魏

耿公

唐

祖珍儉

五代

從諗

宋

馬韶

張惠明

趙州志

卷十一

方技

二十七

北魏

耿公鉅鹿宋子人也善卜占坐於室內有客叩門公已知其姓字并所齎持及來問之意其所卜筮十中八九別有林占世或傳之而性不和俗時有王公欲求其筮者公則拒而不許每云今既貴矣更何所求而復卜也欲望意外乎代宗法禁嚴切王公莫不驚悚而退故多見憎忿不爲貴盛所親官至鉅鹿太守於日者之中最爲

優洽

魏書

按北齊李公緒明天文善圖緯之學嘗謂子弟齊之國祚終於四七其言果驗有秘記傳之子孫臨終取以投

趙州志

卷十一

方技

二十八

火沈冥樂道誓心不仕若公緒者其遯世无悶之君子與彼以技自衒之夫烏足語於斯

唐

祖珍儉趙州人唐高宗時人有妖術懸小甕於梁上以刀斫之繩斷而甕不落又於空房內置一甕水橫刀其上密閉門良久入室見珍儉支解五段甕中悉是血人去平復如故冬月極寒石臼冰凍咒之拔出賣卜於信都市日取百錢蓋君平之術也後被人糾告引向市斬之顏色自若了無懼色命紙筆作詞精彩不撓

朝野僉載

五代

從諗曹州人姓郝氏精心空悟受法南泉仰可年八十居
趙州柏林禪院行業日隆嘗以庭前柏樹指示西來大
意卽景發凡初無沾滯每見人輒云且坐喫茶一日眞
定趙王鎔至院師坐而問曰大王會麼曰不會師云自
小持齋身已老見人無力下禪床王尤加禮翌日有客
將傳語師下禪床受之侍者問云大王來不下禪床今
客將來爲甚麼下禪床師云非汝所知也後圓寂僧魯
雲請於朝特賜趙州古佛眞際先祖國師之號雍正十
一年

加封圓證直指眞際禪師

賜祭一壇舊志

趙州志

卷十一

方技

二十九

宋

馬韶趙州人習天文三式開寶中太宗以晉王尹京申嚴
私習天文之禁韶素與太宗親吏程德公善德公每戒
韶不令及門九年冬十月十九日旣夕韶忽造德公恐
甚詰其所以來韶曰明日乃晉王利見之辰韶故以相
告德公惶駭止韶一室遽入白太宗太宗命人防守之
將聞於太祖及詰旦太宗入謁果受遺踐祚韶以赦獲
免踰月起家爲司天監主簿太平興國二年擢太僕司
丞歷太子中允出爲平恩令歸朝復守舊任與楚芝蘭
同判司天監事坐事出爲長山令

宋史

張惠明趙州人結廬中條山太宗詔入內殿封妙濟禪師

尋至西嶽仙去

通志

趙州志

卷十一

方技

三十